


# 54. Omz Cah, Omz Cung boh Plaehz Cung

Snow, rain and hail



Cum Lik Reu Yaang

Riang



## 54. Omz Cah, Omz Cung boh Plaehz Cung

### Snow, rain and hail

Ihz Plinz: Tahz Myahz Awng  
Ihz caet: Cumz Lik Reu Yaang  
Mony: Reu Yaang  
Laehz: 2 Laehz  
Seu ngihz: 02/2020

Riang  
Myanmar



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Translator: Tahz Myah Awng


Translator: Tahz Myahz Awng

Editor: Riangu Language Committee


Illustrator: SIL


Edition: 2

Date: 02/2020




1. Ti plaangz, ti peng, ti keu tehz  
daelz ne kawcz kaw kawcz baaiz. Ti  
an kawcz ne kurz kaw nyawngz,  
kurz samz leh raw hawtz omz he  
yeun penz peu eumz cung, penz  
cung klaez truz boh.





3. Cung coh an panz raw kaw leh raw pa tang hawtz omz laai. Beuk phraeoz lawng plengz an katz ne hawtz omz yeun penz peu eumz cung, penz cung klaez truz boh.


Lawng peu eumz penz cung ne pehz wa mas. Keuiz daz samz maang thaengz plaehz cung boh. An ni kaw kawp daz peu eumz lawng plengz ne katz peun baaiz rae caang yeun penz kawnz omz, teur takz lan he penz kawnz klakz cur truz, ihz raak plaehz cung.





Ti kawcz ne kurz nyawngz, kurz lan liz baaiz. Ti katz ne kurz keu can, kurz lan lawiz lawiz. An ihz daz tawiz spha wahz ne daz, “Ti kawcz kurz krang, ti ngang kurz keu ceum”. Samz wonz yawt tang kiarz kawcz, kiarz katz luz. Kiarz kawcz ne kurz kaw pat krang. Kiarz katz ne kurz kaw nam paw pat krang, teuk ngup, teuk borz samz maang tang cah keui.





Omz cah kaw naeh tawhz omz yeun  
penz. Meuz seu ngih, kawcz seu  
ngihz lan teu sapz omz ne omz  
caang yeun penz tawhz omz raw lan  
tawiz kurz, kawp kurz keu can, nam  
paw lan liz. Tawhz omz kaw panz  
tawiz kurz, nam paw raw crawng.  
Beuk wa phraeoz teuk ngup, teuk  
borz ne kawp daz katz lawk seu ngih  
rae, tawhz omz an peurz tawiz kurz  
keu diz yeun penz phawngz omz an  
nyawi nyawi, an raak daz omz cah.

Phangz omz cah an klaez boh nyawi nyawi ne beuk phraez teuk bimz khing ihz pras, kawp daz katz baaiz rae teur takz lan he penz seur taapz boh. An ni kaw naeh ceun pung taek seur taapz, an ihz cih boh ne. Seur taapz an daz diz, leh omz sapz tuhz sroz, tuhz preng he sapz mok tuhz teuk cih seur taapz. Cao kurz katz pat aez tikz tikz, omz caang kaam he penz seur taapz boh.





